



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Bergomatia. In Bergonum Jul. Cæs. Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

BERGOMATIA.

IN PALATIO CAPITANEI.

*Hic locus odit, amat, punit, conservat, honorat,
Nequitiam, pacem, crimina, jura, probos.*



BERGOMATIA.

IN BERGOMUM JUL. CÆS.

SCALIGER.

Ingenium, corpus, mores, obtutus, amictus,
Tecta, cibus, gressus, guttura, sermo, sonus:
Omnia crassa modis insignibus, omnia dura:
Sic, valeant silices ut superare suos.
Ista domi: sed vicinus si aspergat acetum;
Artibus atq; dolis vincitur ipse suis.

INSCRIPTIONES

BERGOMENSES.

IN FORO.

Bergomum urbs vetustiff. An. ante S. N. 1804. á Cidno Liguris Hetruscorum regis F. exstructa: aliquando in libertate, aliquando sub Romano, Cæsarum, Regum, ac Ducum imperio, vario eventu jactata: sub sanctissima D. Marci alarum umbra, tandem diuturnæ pacis ocio fruitur: & feliciter quiescit.

IBIDEM.

Antonia civis Bergomi virgo, non minús animi quám corporis pulchritudine pollens: cum ab N. N. violentum in se stuprum parari videret: mortem pro conservanda pudicitia vilipendens, gladio violatoris erepto: intrepidum sibi pectus transfodiens, singulari castitatis exemplo urbem hanc perpetuó illustravit.

IBI.

IBIDEM.

Albericus de Roxiate. Qui qualis fuerit, ejus scripta venerandæ ubique authoritatis, & universa Jurisconf. Collegia attestantur. Omni fere, sed præcipuè legalis scientiæ genere toto orbe celeberrimus: urbem istam summæ doctrinæ, summiq; ingenii virorum genitricem esse docuit. 1555.

IBIDEM.

Bartholomæus Collio Gallos Boschum in Alexandri-
no agro obsidentes, ingenti prælio vincit, castris exuit, &
Reinaldum Brisuensem hostium ducem capit.

*Alcides unum, geminos gerit iste, leoneis.
Unde hoc? ille feras vicit, at iste duceis.*

ALIUD.

D. O. M. Bartholomæus Coleonius de Andegavia vir-
tute immortalitatem adeptus: usq; adeo in re militari fuit
illustris, ut non modò tum viventium gloriam longè ex-
cesserit: sed & posteris spem eum imitandi ademerit. Mul-
tories enim à diversis Principibus, deincepsq; ab illu-
striss. Venetorum Senatu accepto imperio, tandem totius
Christianorum exercitus, sub Paulo I. P. M. delectus fuit
Imperator. Cujus acies 14. annis ab ejus obitu, solo jam
defuncti imperatoris, tanquam vivi nomine militantes,
jussa cujuscunque alterius contempserunt. Obiit 4. non.
Novemb. Anno Domini 1475.

IN ADITU TEMPLI FRANCISCANI.

*Morti morte tua mortem moriendo dedisti,
Est tua mors mortis Christe medela mea.*

IN CAPUCINORUM.

Ubi amici? ubi divitiæ? finem tuum respice.

IN CANCELLARIA.

*Lex prima consilii liberè loquendi, & patienter audi-
endi.*

ALIBI.

Non lapidibus & picturis, sed inhabitantium virtutibus domus decoranda.

Mors honesta vitam etiam turpem exornat.



FAVENTINA.
IN FAVENTIAM JUL. CÆS.
SCALIGER.

Pars magna Italia duro discrimine rerum,
Clara Faventino milite sceptrum capit.
Quod meruit decus invictis Helvetius armis:
Quod conducta ferox Brennus ad arma fuit:
Hoc sumus: hoc fortis meruit vis ignea dextra,
Arbitrio cujus numina regna parant.

AD S. ANTONIUM.

CAROLI TRAVERSARII

Canonici Favent. ac hujus Ecclesiæ Rectoris: nec non Rotæ Su. Palat. Apostolici causarum Notarii: & istius Societatis sacratiss. corporis Christi institut. ac benefactoris corpus hic infra jacet; anima verò ejus in pace requiescat. Amen.

Vixit annos l. x. diversis & quamplurimis tribulationibus & persecutionibus semper laborans, tandem & ejus vitæ finem imposuit, dicens in ultimo clarè & altè versus infra scriptos:

*Inveni portum, spes & fortuna valet;
Nil mihi vobiscum; ludite nunc alios,*

M. D. XXXXVIII.

ANTE HOSPITALE ORPHANORUM.

Quos parentum paupertas, pudorve repulit, pietas hujus loci recipit.